

# Powšitkowne WOZJEWJENJA

njedźelu, 3. měrca 2019

## Počesćenje Michała Hórnik

Składnostnje 125. posmjertnin kanonika Michała Hórnik chce Towarstwo Cyrila a Metoda z.t. (TCM) swojeho iniciatora počesćić. Wopomnjenske zarjadowanje TCM budže štwórtk, 7. měrca, we 18.30 hodž. we Worklečanskej kapalce zhromadnje z Chróšćanskej wosadu, Towarstwom kapalki Marije maćerje Božeje, a župu „Michał Hórnik“. Dalše spominanje přewjedže TCM pjatk, 8. měrca, dopoldnja ze Serbskej wyšej šulu „Michał Hórnik“ w jeje domje.

## Zetkanje samostejacych

Samostejacy ze serbskich wosadow su na swoje přichodne zetkanje wutoru, 19. měrca, w 14 hodž. do Domu biskopa Bena w Smochćicach přeprašeni. Zajimcy njech so hač do pónđzele, 11. měrca, w redakciji Katolskeho Posoła přizjewja, telefonowe čisło (0 35 91) 55 02 12. Štóž chce wotewzaty być, njech to prošu zdželi.

## Maćična akademija

Slawist Julian Nyča budže štwórtk, 14. měrca, w 19.30 hodž. w Budyskim hosćencu „Wjelbik“ přednošować. Pónđže wo wopomnjensku kulturu w dwurěčneju Łužicy po Přěnjeju swětowej wójnje.

## Na třeci Měrowy swjedžen do Wostrowca!

We Wostrowcu přewjedju wot štwórtka do soboty, 21. do 23. měrca, mjeztym třeci měrowy swjedžen. Zarjadowar je znowa Mjezynarodny zetkawanski centrum w Marijinym dole. Toho předsyda dr. Michael Schlitt rjekny, zo ma so z tym znowa znamjo za demokratiju, swětawotewrjenosć, tolerantnosć a měr postajić. Towarstwo Cyrila a Metoda z.t. přeprašuje Serbow, zo bychu sej tam sobotu, 23. měrca, wot popołdnja hač do wječora doješli. W 20 hodž. wotměje so tam hodžinu trajaca diskusija w rjedže „Sakski konopej“. Hosćo su zapósłanča w Sakskim krajnym sejmje Franziska Schubert z Habrachćic (Ebersbach), profesor dr. Raj Kollmorgen z Wysokeje šule Žitawa/Zhorjelc a awtor Lukas Rietzschel z Budyšina. Zajimcy, kotřiž chcyli něhdže w 17 hodž. sobu do Wostrowca wotjěć, měli so w redakciji Katolskeho Posoła hač do wutory, 19. měrca, přizjewić, telefonowe čisło (0 35 91) 55 02 10. Z Měrowym swjedženjom reaguja wobydlerjo města a křesćenjo z regiona na přizjewjene prawicarske zarjadowanje w tamnišim hotelu „Neißeblick“. Dla měrliweho zarjadowanja na torhošću njemóža prawicarjo tam pochodować. Wobě zarjadowani podobneho razu loni stej měrnje wotběžaloj. Policija budže zaso sylnje zastupjena. ► [www.ostritzer-friedensfest.de](http://www.ostritzer-friedensfest.de)

## Putniska jězba do Ukrainy

Putniska jězba do ukrajskeho Lwiva (pólsce Lwów, němsce Lemberg) wotměje so wot štwórtka do wutory, 8. do 13. awgusta, ze Šmitec jězbami w Radworju. Hłowne město zapadneje Ukrainy je ze swojimi stawiznami a kulturu wulce zajimawe. Wšako je w běhu swojich stawiznow přežiwiło pólske, rakuske, sowjetske a němske knjejestwo. Wobdželimy so na přikład na Božej mši po grjeksko-katolskim wobrjedže a wobhladamy sej katolsku uniwersitu. Dokładny program móža sej zajimcy pod [www.posol.de](http://www.posol.de) wobhladać. Přizjewjenja su móžne pola Šmitec wozydłownistwa w Radworju, telefonowe čisło (03 59 35) 28 60. T. Kubašec

## **Wuměłstwo, modlenje a politiske znamjo**

Katolska kaž tež ewangelska wosada swjateho Pětra w Budyšinje přewjedzetej wot popjelneje srjedy, 6. měrca, hač do swjatownikow, 9. junija, w sprjewinym měsće wuměłstwowy projekt pod titlom „Swětło pozbudža“. Na 13 wažnych městnach – cyrkwinskih a swětnych – budu swětlowe křiže a druge wuměłstwowe wudźělki wuměłca Ludgera Hinsy wustajane.

Centralnje zahaji so projekt popjelnu srjedu, 6. měrca, we 18 hodź. z ekumeniskej Božej službu w Budyskej tachantskej cyrkwi z Drježdžansko-Mišnjanskim biskopom Heinrichom Timmereversom a ewangelskim krajnym biskopom dr. Carstenom Rentzingom. Nazajtra poskići so na samsnym městnje wot 9.30 do 11.30 hodź. wosebje za seniorow kaž tež wot 17.30 do 19.30 hodź. wodženje z wuměłcom Ludgerom Hinsu. Na tym dnu budzetej wot 14 do 15 hodź. a wot 15 do 16 hodź. džěłarničce k temje křiž za džěci w tachantskej cyrkwi. Tajke wotměja so tam tež pjatk, 8. měrca, a to wot 9.30 do 10.30 hodź., wot 10.30 do 11.30 hodź., wot 14 do 15 hodź. a wot 15 do 16 hodź.

Ekumeniske modlenje wo měr započnje so tam pjatk, 8. měrca, we 18 hodź. Po tym podadza so wobdźělnicy ze swěčkami před cyrkej. Na Mjasowych wikach su měrliwé rozmołwy planowane. Tole ma być znamjo swětła za tolerantnosť. Wobě wosadze chćej so z tym demonstraciji prawicarskich skupin samsny dzeń na Žitnych wikach wobarać. Heiner Schleppers z katolskeje wosady, jedyn z organizatorow, wozjewi: „Njesměmy dopušćić, zo ludžo k nam do města přińdu a tule hidu rozšěrjeja.“ Na tajke 15 mjeńšin trajace modlenje přeprošujetej wobě wosadze kóždy pjatk. – Wot 19 do 20 hodź. powjedze Ludger Hinse po wustajeńcy, tónkróć pak zahaji so wone w cyrkwi Našeje lubeje knjenje a skónči so w tachantskej cyrkwi. Ke wšěm wodženjam, ke kotrymž zdžěla bus zasadza, měli so zajimcy na Budyskej farje, Při Pětrowej cyrkwi 7, abo pod telefonowym čisłom (0 35 91) 3 11 80 přizjewić.

Duchownu hudźbu pod hesłom „Jazz koresponduje z Bachom“ dožiwja zajimcy sobotu, 9. měrca, w 17 hodź. w cyrkwi Našeje lubeje knjenje. Ju wuhotujetaj mjez druhim bratraj Józef a Jan Brězan (e-piano a gitara). Na piščelach budže Friedemann Böhme, na bijadłach Terence Lohr hrać. Spěwarka budže Anna Batz.

Póstne předowanje z wuměłcom Ludgerom Hinsu budže njedzeli, 10. měrca, w 15 hodź. w tachantskej cyrkwi. Tomu přizamknje so rozmołwa z nim. W Marije-Marćinej cyrkwi zaklinči tón dzeń we 18 hodź. Pasionski nyšpor. Hudźbny nawod změje cyrkwinski hudźbny direktor Michael Vetter.

Dalše terminy k tutomu projektej Katolski Posoł poněčim wozjewi. K tomu słuša rjad póstnych seminarow w Smochčanskim Domje biskopa Bena. Tón zahaji so tam pónđzeli, 11. měrca, w 19.30 hodź.

## **Putnikowanja z busom a lětađłom**

Tež lětsa přeprošuju zaso zajimcow na putniske jězby. Přěnja powjedze wot njedzele do njedzele, 23. do 30. junija, z busom do Toskany. Dalša putniska jězba z busom budže wot štwórtka, 3. oktobra, do wutory, 15. oktobra, do Lourdesa, Fatimy, Santiaga de Compostele a do Avile. Z lětađłom podamy so wot njedzele do njedzele, 8. do 15. septembra, na putnikowanje do Swjateho kraja. Nadrobniše informacije dóstanu zajimcy pod telefonowym čisłomaj (01 63) 7 33 82 05 abo (03 57 96) 9 54 28 (po 19 hodź.) abo pola mje w Hórkach, Sydlišćowu puć 2.

*Maćij Hadank*